

№ 414 2010 წლის 28 დეკემბერი ქ. თბილისი

„საჯარო სამართლის იურიდიული პირის – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების დამტკიცების შესახებ“ საქართველოს მთავრობის 2010 წლის 30 მარტის №96 დადგენილებაში ცვლილებებისა და დამატებების შეტანის თაობაზე

მუხლი 1. „ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად „საჯარო სამართლის იურიდიული პირის – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების დამტკიცების შესახებ“ საქართველოს მთავრობის 2010 წლის 30 მარტის №96 დადგენილებაში (სსმ, 2010 წელი, №33, მუხლი 538) შეტანილ იქნეს შემდეგი ცვლილებები და დამატებები:

1. დადგენილებას დაემატოს შემდეგი შინაარსის 1⁶ და 1⁷ მუხლები:

„მუხლი 1⁶. „სსიპ – შემოსავლების სამსახურის მიერ მომსახურების გაწვევისათვის საფასურებისა და მათი განაკვეთების“ 54-ე და 66-ე გრაფებით გათვალისწინებული მომსახურების გაწვევისათვის დადგენილი ტარიფები ორმაგდება არასამუშაო დროს. ამ დადგენილების მიზნებისათვის გაფორმების ეკონომიკურ ზონაში არასამუშაო დროა ორშაბათიდან პარასკევის ჩათვლით 18 საათის შემდეგი პერიოდი, შაბათს – 15 საათის შემდეგი პერიოდი, კვირა და უქმე დღეები; გაფორმების სხვა ადგილებში – ორშაბათიდან პარასკევის ჩათვლით, 19 საათის შემდეგი პერიოდი, შაბათი, კვირა და უქმე დღეები.

მუხლი 1⁷. „სსიპ – შემოსავლების სამსახურის მიერ მომსახურების გაწვევისათვის საფასურებისა და მათი განაკვეთების“ 54-ე და 66-ე გრაფებით გათვალისწინებული მომსახურების გაწვევისათვის დადგენილი საფასურის გადახდისაგან გათავისუფლებულია:

ა) საქონლის იმპორტი სტიქიური უბედურების, ავარიისა და კატასტროფის ლიკვიდაციის, აგრეთვე ჰუმანიტარული დახმარების მიზნით;

ბ) საქონლის იმპორტი, რომელიც გათვალისწინებულია ხელშეკრულებით გრანტის შესახებ, საქართველოს პრეზიდენტის ბრძანებულებით განსაზღვრული წესით;

გ) უცხო ქვეყნების დიპლომატიური და მათთან გათანაბრებული წარმომადგენლობების ოფიციალური სარგებლობისათვის, აგრეთვე ამ წარმომადგენლობების დიპლომატიური და ად-

მინისტრაციულ-ტექნიკური პერსონალის (მათთან მცხოვრები ოჯახის წევრების ჩათვლით) პირადი სარგებლობისათვის განკუთვნილი საქონელი;

დ) საქონლის იმპორტი, საქართველოს საგადასახადო კოდექსის 199-ე მუხლის „დ“ ქვეპუნქტის შესაბამისად;

ე) ეროვნული და უცხოური ვალუტისა (გარდა ნუმიზმატიკური მიზნებით გამოსაყენებლად გათვალისწინებულის) და ფასიანი ქაღალდების იმპორტი;

ვ) საქონლის ან/და სატრანსპორტო საშუალების ტრანზიტი;

ზ) საქონლის ექსპორტი, რეექსპორტი და საქონლის საქართველოს ეკონომიკური ტერიტორიის გარეთ გადამუშავება;

თ) საქონლის დაბრუნება, საქართველოს საგადასახადო კოდექსის 235-ე მუხლის მე-7 ნაწილით გათვალისწინებულ შემთხვევაში;

ი) დროებითი შემოტანის შემთხვევაში, საქონელი, რომელიც გათავისუფლებულია გადასახადებისაგან.“.

2. დადგენილებით დამტკიცებული „სსიპ – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების“:

ა) მე-6 გრაფა ჩამოყალიბდეს შემდეგი რედაქციით:

„6	საწყოების საქმიანობის ნებართვის, თავისუფალი საწყოების საქმიანობის ნებართვის, თავისუფალი	20 სამუშაო დღე	უფასო
----	---	----------------	-------

	ვაჭრობის პუნქტის საქმიანობის ნებართვის გაცემა	10 სამუშაო დღე	ყოველ კვადრატულ მეტრზე 0.1 ლარი, მაგრამ არანაკლებ 100 ლარისა; რეზერვუარის ერთ კუბურ მეტრზე 0.05 ლარი, მაგრამ არანაკლებ 100 ლარისა; დახურული საწყობის შემთხვევაში საწყისი კოეფიციენტი ნახევრდება; 10 დღეზე უფრო დაჩქარებულ ვადაზე, თითოეულ დაჩქარებულ დღეზე, საწყობის კოეფიციენტს ემატება 0.05 ლარი“;
--	---	----------------	---

ბ) მე-8 და მე-9 გრაფები ჩამოყალიბდეს შემდეგი რედაქციით:

„8	გაფორმებული საფოსტო გზაწინის მიმდების მიერ დასახელებულ ადგილზე მიტანა		კილოგრამზე 1 ლარი, მაგრამ არანაკლებ 30 ლარისა
9	გაფორმებული მსუბუქი ავტომანქანის მიმდების მიერ დასახელებულ ადგილზე მიტანა		500 ლარი“;

გ) მე-11 – მე-13 გრაფები ჩამოყალიბდეს შემდეგი რედაქციით:

„11	ლუქების გამოყენებით ტვირთის გადაზიდვაზე ავტოსატრანსპორტო საშუალების დაშვების სერტიფიკატის გაცემა	4 საათი 1 დღე 1 დღეზე მეტი	400 ლარი 300 ლარი 200 ლარი
-----	--	----------------------------------	----------------------------------

12	<p>ფიზიკური პირისათვის საფოსტო გზავნილით გადაადგილებული აქციზური საქონლის გაფორმებასთან დაკავშირებული პროცედურების განხორციელება (ვალდებული პირის სახელით აქციზისა და აქციზური მარკის ნომინალური ღირებულების გადახდის ჩათვლით) და მიმღების მიერ დასახელებულ ადგილზე მიტანა</p>		<p>აქციზის განაკვეთის ათმაგი ოდენობა, არანაკლებ 10 ლარისა</p>
13	<p>საგარეო-ეკონომიკური საქმიანობის ეროვნული სასაქონლო ნომენკლატურის (სეს ესნ) 8701, 8702, 8703, 8704, 8705 და 8711 (რომლის პრაქტის მუშა მოცულობა 50 სმ³-ზე მეტია) სასაქონლო პოზიციებით გათვალისწინებული მექანიკური სატრანსპორტო საშუალებების გაფორმების მიზნით სასაქონლო დეკლარაციის წარდგენის ვადის გაგრძელება საწყობში დროებითი დასაწყობების გარეშე</p>		<p>არა უმეტეს 5 კალენდარული დღის ვადით – ყოველ კალენდარულ დღეზე 20 ლარი</p> <p>5 კალენდარულ დღეზე მეტი ვადით – 100 ლარს + ყოველ კალენდარულ დღეზე 10 ლარი“;</p>

დ) მე-20 და 21-ე გრაფები ჩამოყალიბდეს შემდეგი რედაქციით:

„20	<p>საქართველოს საგადასახადო კოდექსის 239-ე მუხლის მე-9 (გარდა „ბ“ და „ე“ ქვეპუნქტებისა) ნაწილის საფუძველზე, დაინტერესებული პირის მოთხოვნით საგადასახადო გირავნობის/იპოთეკის გაუქმება, გარდა იმ შემთხვევისა, როდესაც საგადასახადო გირავნობით/იპოთეკით დატვირთული ქონების რეალიზაცია განახორციელა სსიპ – აღსრულების ეროვნულმა ბიურომ</p>	1 სამუშაო დღე	15 ლარი
-----	--	---------------	---------

21	საქართველოს საგადასახადო კოდექსის 241-ე მუხლის მე-9 ნაწილის საფუძველზე, დაინტერესებული პირის მოთხოვნით ყადაღადადებულ ქონებაზე ყადაღის გაუქმება, გარდა იმ შემთხვევისა, როდესაც ყადაღადადებული ქონების რეალიზაცია განახორციელა სსიპ – აღსრულების ეროვნულმა ბიურომ	1 სამუშაო დღე	50 ლარი“;
----	---	---------------	-----------

ე) 44-ე – 51-ე გრაფები ჩამოყალიბდეს შემდეგი რედაქციით:

„44	მონაცემთა ავტომატიზებულ სისტემა „ASYCUDA“-ში დაშვებული საწარმოს ან ფიზიკური პირის მიერ სასაქონლო დეკლარაციის უშუალოდ შემგსები ფიზიკური პირის დაშვება (დამატება)	20 სამუშაო დღე 1 სამუშაო დღე 3 სამუშაო დღე	უფასო 100 ლარი 50 ლარი
45	განხორციელებული საქონლის გაფორმების შესახებ ინფორმაციის გაცემა	10 სამუშაო დღე 1 სამუშაო დღე 3 სამუშაო დღე	უფასო 50 ლარი 20 ლარი
46	მონაცემთა ავტომატიზებულ სისტემა „ASYCUDA“-ში (თავდაპირველად) დაშვება	1 სამუშაო დღე 3 სამუშაო დღე	500 ლარი 250 ლარი
47	მონაცემთა ავტომატიზებულ სისტემა „ASYCUDA“-ში დაშვებული საწარმოს ან ფიზიკური პირის მიერ საბანკო გარანტიის ვადის გაგრძელება	1 სამუშაო დღე 3 სამუშაო დღე	50 ლარი 20 ლარი

48	წინასწარი გადაწყვეტილება საქონლის მიმართ საგარეო-ეკონომიკური საქმიანობის ეროვნული სასაქონლო ნომენკლატურის შესაბამისად სასაქონლო კოდის განსაზღვრის შესახებ	30 სამუშაო დღე 10 სამუშაო დღე 5 სამუშაო დღე	უფასო 250 ლარი 500 ლარი
49	წინასწარი გადაწყვეტილება საქონლის წარმოშობის ქვეყნის განსაზღვრის შესახებ	30 სამუშაო დღე 10 სამუშაო დღე 5 სამუშაო დღე	უფასო 250 ლარი 500 ლარი
50	მონაცემთა ავტომატიზებულ სისტემა „ASYCUDA“-ში დაშვებული საწარმოს (ან მეწარმე ფიზიკური პირის) სახელით სასაქონლო დეკლარაციის უშუალოდ შემვსები ფიზიკური პირის სხვა საგადასახადო ორგანოს კოდზე დაშვება	20 სამუშაო დღე 3 სამუშაო დღე 1 სამუშაო დღე	უფასო 50 ლარი 100 ლარი
51	დროებითი შენახვის განაცხადის ელექტრონული დეკლარირებისათვის საწყობების, საწარმოს ან ფიზიკური პირის დაშვება მონაცემთა ავტომატიზებულ სისტემა „ASYCUDA“-ში	20 სამუშაო დღე 3 სამუშაო დღე 1 სამუშაო დღე	უფასო 50 ლარი 100 ლარი“;

ვ) 52-ე გრაფა ამოღებულ იქნეს;

ზ) 54-ე გრაფა ჩამოყალიბდეს შემდეგი რედაქციით:

„54	საქონლის გაფორმება (გარდა მე-12 და 66-ე გრაფებით გათვალისწინებული შემთხვევებისა)		3000 ლარამდე სატარიფო ღირებულების საქონელზე – ერთ დეკლარაციაზე 150 ლარი; 3000-დან 15000 ლარამდე სატარიფო ღირებულების საქონელზე – ერთ დეკლარაციაზე 300 ლარი;
-----	--	--	--

			15000 ლარის ზევით სატარიფო ღირებულების საქონელზე – ერთ დეკ- ლარაციაზე 400 ლარი“;
--	--	--	---

თ) 59-ე გრაფა ჩამოყალიბდეს შემდეგი რედაქციით:

„59	გადასახადის გადამხდელის მოთხოვნით მის მიერ წარდგენილი საქონლის რაოდენობის განსაზღვრა		1 კგ – 0.040 ლარი, 1 მ ³ – 0.20 ლარი, 1 მ ² -მდე – 30 ლარი, 1 მ ² -ის ზევით – 30 ლარს + ყოველ 1 მ ² -ზე 0.10 ლარი, 1 მ – 0.20 ლარი, 1 ცალი – 0.02 ლარი“;
-----	--	--	---

ი) 61-ე – 64-ე გრაფები ჩამოყალიბდეს შემდეგი რედაქციით:

„61	გადასახადის გადამხდელის მოთხოვნით მის მიერ წარდგენილი მოდრავი ქონების (საქონლის) საბაზრო (საცალო, საბითუმო) ან/და სატარიფო ღირებულების განსაზღვრა		1 სახეობის ობიექტი 100 ლარამდე – 10 ლარი, 100-დან 10000 ლარამდე – 25 ლარი, 10 000 ლარის ზევით – 150 ლარი
62	გადასახადის გადამხდელის მოთხოვნით სატვირთო ავტომობილის (3500 კგ ჩათვლით) საბაზრო ან/და სატარიფო ღირებულების განსაზღვრა		1 ავტომობილი სეს ესნ კოდით – 40 ლარი
63	გადასახადის გადამხდელის მოთხოვნით სატვირთო ავტომობილის (3500 კგ-ზე მეტი) საბაზრო ან/და სატარიფო ღირებულების განსაზღვრა		1 ავტომობილი სეს ესნ კოდით – 80 ლარი

64	გადასახადის გადამხდელის მოთხოვნით შერეული საქონლის სატარიფო ღირებულების დადგენა		5000 ლარამდე – ღირებულების 3%, მაგრამ არანაკლებ 30 ლარისა, 5000-დან 100 000 ლარამდე – 150 + 5000 ლარის ზევით თანხის 2%, 100 000-დან 1 000 000 ლარამდე – 2050+100 000 ლარის ზევით თანხის 1%, 1 000 000 ლარის ზევით თანხის 0,8%“;
----	---	--	---

კ) 65-ე გრაფა ამოღებულ იქნეს;

ლ) 66-ე გრაფა ჩამოყალიბდეს შემდეგი რედაქციით:

„66	ქ. თბილისში, ცოტნე დადიანის ქ. №30-ში მდებარე კონტროლის ზონაში „საჰაერო ტრანსპორტით შემოტანილი საქონლის (გარდა საფოსტო გზავნილისა) გაფორმება		3000 ლარამდე სატარიფო ღირებულების საქონელზე – ერთ დეკლარაციაზე 150 ლარი; 3000-დან 15000 ლარამდე სატარიფო ღირებულების საქონელზე – ერთ დეკლარაციაზე 300 ლარი; 15000 ლარის ზევით სატარიფო ღირებულების საქონელზე – ერთ დეკლარაციაზე 400 ლარი“.
-----	--	--	--

მუხლი 2. დადგენილება ამოქმედდეს 2011 წლის 1 იანვრიდან.

პრემიერ-მინისტრი

ნიკა გილაური